

## Universitätsbibliothek Paderborn

### Cvrsus Theologici ...

Ea Brevitate Conscriptus, Qvam Tot Tantarvmqve Rervm Amplitudo Et  
Varietas Patitvr ...

Quas Secunda Secundæ Et Tertia Pars Divi Thomæ Complectitvr -  
Qvæstiones Insuper Ad Mores, & praxim spectantes, maximè circa  
Sacramenta, accuratè declarantur

**Carleton, Thomas Compton**

**Leodii, 1664**

Sect. II. Qua neceßitate tencantur adulti Eucharistiæ Sacramentum  
suscipere.

**urn:nbn:de:hbz:466:1-13826**

cum in nostrâ potestate non sint. Alia autem necessaria sunt & necessitate mediâ & præcepti, ut modò est fides in adultis. Alia tandem re ipsa non sunt necessaria, sed solum re vel voto, ut est Baptismus in adultis, & lapsis post Baptismum Pœnitentia.

V.  
In quo ne-  
cessitas me-  
diâ differat  
à necessitatâ  
præcepti.

Notandum secundò cum eodem, licet non minus ad salutem requiratur execu<sup>tio</sup> eorum, quæ necessaria sunt necessitate præcepti quam mediâ, diversam tamen esse utriusque necessitatem, obseruatio namque præcepti obligantis sub mortali, solum conductus negativè ad salutem, ne scilicet per illius transgressionem impedimentum aliquod saluti nostræ opponamus: ea vero quæ sunt necessaria necessitate mediâ, positivè concurrunt ad salutis consecutionem, quia secum aliquid semper afferunt, quod peccata tollat, & homines, si in peccatis sunt justificati, quæ de causâ hæc ita sunt media, ut etiam sint remedia, ut notavit Petrus Soto apud Vasquez ibidem.

VI.  
In eandem  
fere semper  
incidit  
utriusque ne-  
cessitas.

Nonnunquam vero, imo penè semper in eandem incidit utraque necessitas, & consequenter illius execu<sup>tio</sup> & negativè, vitando scilicet peccatum, seu beatitudinis impedimentum, & positivè ad salutem concurrit, afferendo scilicet id quod infallibiliter gratiam confert, quia sunt Baptismus & Pœnitentia. Quærimus ergo an Eucharistia sit hoc modo ad salutem necessaria?

VII.  
Sumpcio Eu-  
charistia  
parvulis  
non est ad  
salutem ne-  
cessaria.

Prima conclusio: Sacramenti Eucharistiae sumpcio parvulis non est ad salutem necessaria. Probatur ex Concilio Tridentino sessione vigesimâ primâ, canone quarto, ubi sic habetur: Si quis dixerit parvulus, antequam ad annos discre-  
tionis pervenerint, necessariam esse Eucharistia com-  
munionem, anathema sit. Et ratio est clara; cer-  
tum enim est eos & gratiam per Baptismum re-  
cipere, & scilicet receptionem amittere non posse,  
cum peccare nequeant: unde si moriantur, in  
gratia morientur, & consequenter cœlum infal-  
libiliter consequentur.

VIII.  
Dices: Suf-  
ficiet non fit ipsi-  
nus ad salutem necessarium, esse tam-  
en necessarium in voto. Contra: Vel enim per  
votum Eucharistiae intelligitur propositum illam  
necessariam suscipiendo, & hoc sensu certum est parvulos non  
debere habere illius votum, cum nullum actum  
deliberatum elicere possint. vel per votum Eu-  
charistiae intelligitur quod licet quidem per Bap-  
tismum obtineant justificationem, cum directâ  
tamen obligatione & onere recipiendi Sacramen-  
tum Eucharistiae, sicut licet per contritionem tol-  
lantur peccata omnia mortalia, hoc tamen fit  
cum obligatione suscipiendo Baptismum, si contrito illa sit ante Baptismum, vel accedendi ad  
Sacramentum Pœnitentia, si contrito sit de pec-  
catis post Baptismum commissis. Unde contrito  
est quasi substitutum quoddam Baptismi, & Pœ-  
nitentia, quæ sunt media primaria ad justifica-  
tionem instituta, contrito autem solum secundi-  
ario, & quasi loco illorum peccata tollit, &  
consequenter cum obligatione recipiendi illa tan-  
quam media primaria. Parvulus vero nulla in-  
cumbit hujusmodi obligatio, ut constat, ergo &c.  
Quod magis explicabitur sectione sequente.

## SECTIO SECUNDA.

Qua necessitate teneantur adulti  
Eucharistia sacramentum  
suscipere.

**N**ON pauci, nec insimne nota Theologi existimârunt, nullum dari præceptum diuinum suscipiendi hoc Sacramentum: ita Halensis gravissimi in 4. parte primâ, quæst. quinquagesimâ primâ, membro quarto, Divus Bonaventura dist. duo, decimâ, art. quinto, quæst. primâ: Cathulianus in quarto, dist. nonâ, quæst. primâ, art. primo: Ferraralibro quarto contra gentes, cap. sexagesimo primo: Caietanus tertiatâ parte, quæst. octogesimâ, art. undecimo: Sylvester verbo Eucharistia, & alii. Ratio ipsorum est, quia nul-  
lum nec in Scripturâ appetit, nec ab Ecclesiâ aut Patribus traditur hujusmodi præcepti indicium.

Secunda nihilominus sententia affirmat, à Christo Domino latum esse præceptum sanctam Eucharistiam sumendi. Hanc ut probabiliorē, & magis piam amplectitur Sanctus Thomas, & non tantum, quod de eo fatetur Caetanus, ut tutiorem. Eadem etiam opinio-  
nem sequitur Richardus in quarto, dist. duode-  
cimâ, art. sexto, quæst. undecimâ: Duran-  
dus in quarto, distinct. nonâ, quæst. secundâ, num. septimo: Paludanus in quarto, dist. nonâ, quæst. primâ, art. primo & secundo: Navarrus in summâ, cap. 21. nupt. 57. Soto quæst. 1. a. II. Hanc sententiam, quia eam veriorem existimo, magis in particulari declarabo: hic tamen præcipue loquimur de necessitate mediâ; de necessitate enim præcepti fusè dicetur infra, ubi prius de eo tractandi est locus.

Secunda conclusio: Quamvis necessitate præ-  
cepti teneantur adulti Sacramentum Eucharistiae  
certis quibusdam temporibus sumere, ut postea ostendemus, non tamen est tis medium necessaria, vel in re, vel voto ad justificationem ob-  
tinendam: ita Suarez hic, disp. quadragesimâ, dist. primâ, Vasquez disp. centesimâ sexagesimâ nonâ, cap. tertio: Conimck quæst. septuagesimâ tertiatâ, art. tertio, dub. unico, & alii. Ratio est; nec enim est instituta Eucharistia primariò ad conferendum primam gratiam, sed ad illius augmentum, & gratiam nutrientem, ut docet Florentinum in decreto ad Armenos §. Quinto Ecclesiasticorum Sacramentorum, & Tridentinum sessione decimâ tertiatâ, capite secundo, dicens institutum esse hoc Sacramentum tanquam spiritualem animorum cibum, quo alantur & confortantur viventes vitâ Christi: & ibidem, canone quinto damnat eos, qui dicunt præcipuum fructum Eucharistiae esse remissionem peccatorum. Unde connaturaliter ad effectum suum præstandum supponit vitam in subjecto, quæ de causa confutur ab omnibus Sacramentum vivorum.

Hinc probatur secunda pars conclusionis; licet enim lato quodam modo dici possit quivis adulterus, dum justificatur, habere votum Eucharistiae, in quantum præcepta est illius sumpcio, sicut haber generale propositum, seu votum observandi omnia alia præcepta, non tamen potest dici justifi-  
cari per votum Eucharistiae propriè dictum; il-  
lud enim solum est votum alicuius rei in justifi-  
catione, quod est solum secundario ordinatum ad conferendam

## Qua necessitate teneantur adulti Eucharistiam suscipere. Se. II. 423

V.  
conferendam primam gratiam loco alterius, ad quod spectat illius collatio per se ut in contritione respectu Baptisimi & Pénitentia constat. Eucharistia autem non ordinatur per se ad primam gratiam conferendam, ergo, &c.

Tertia conclusio: Et si ad perseverantiam in gratia, & salutem consequendam plurimum conductat Eucharistia, illius tamen sumptio non est ad perseverantiam & salutem consequendam necessaria, nec in re nec in voto, si loquamur de voto in proprio sensu: ita Autótores citati. Probatur: Nam sine Eucharistia in re suscepta multi salutem consequuntur, non ex parvulis tantum, sed etiam adultis, nec ullus dubitat quin si adulatus statim post susceptum Baptisma, subito moteretur consequeretur salutem.

VI.  
Declaratur quo pacto sumptio Eu- charistia non sit propriè medium necessarium ad salutem, ne quidem in voto.

Quod etiam in voto non requiratur constat; licet enim generale propositum servandi mandata, & consequenter Eucharistiam suo tempore sumendi, sit necessarium ad salutem, non tamen vel contrito, vel confessio est propriè votum Eucharistia, hoc est loco illius tribuens perseverantiam; si enim quis morti proximus post susceptum viaticum peccaret mortaliter, & eliceret actum contritionis, teneretur peccatum illud confiteri, non tamen Eucharistiam iterum sumere, ut fatentur omnes; ergo alio modo contrito est votum Pénitentie, quam vel Pénitentia vel contrito Eucharistie; si enim essent in collatione perseverantiae subordinata Eucharistie, quasi illius loco conferrent perseverantiam, debet iterum sumi Eucharistia, ad quam hic effectus spectat per se, sicut quia contrito est votum Pénitentie, debet Pénitentia iterari.

Secundò probatur conclusio: Si enim perseverantia sit effectus hujus Sacramenti, cum effectus Sacramentorum sit certus & infallibilis, quisquis dignè Eucharistiam suscepit, perseverantiae donum reciperet, quod tamen est aperte falsum. Dices, perseverantiam homini dignè Eucharistiam suscipienti dandum, non absoluè, sed sub hac conditione, si non posuerit obicem, sicut in aliis Sacramentis: datur exempli gratia suo tempore speciale auxilium confirmato ad fidem profitandam, si non posuerit obicem. Sed contra: Quicquidem sit de effectibus aliorum Sacramentorum, certè in hoc effectu locum habere non potest hæc responsio; hic enim effectus est, ut non ponatur obex, alioqui decretum divinum est hoc, si dignè receperis Eucharistiam perseverabis, nisi non perseveraveris, cùm ponere obicem sit non perseverare.

VIII.  
Res hæc exempla alio Theologico declaratur.

Exempli gratia, si Deus hoc pactum faceret cum Petro, si tale opus bonum feceris, non cades in tale peccatum, omnes censerent infallibiliter ipsum positivo bono opere, nunquam in peccatum illud casurum; nec enim minus infallibiliter dabitur ipsi hoc præmium negativum de evitacione illius mali, quam alteri datur præmium positivum, nempe gratia habitualis, ubi initum est de illa pactum; & ridiculum videtur pactum Dei in priori cauile esse: Non cades in tale peccatum nisi posueris obicem, cùm ponere obicem sit cadere; tunc enim pactum est, non cades nisi cedideris. Cum ergo donum perseverantiae sit vitare omne peccatum, pactum de perseverantia est pactum de non ponendo obicem, sicutque tale pactum quale ponunt adversarii, destruit seipsum.

IX.  
Dices primò: Non potest homo vivere sine cibo corporali, ergo nec sine cibo spirituali, sed

Eucharistia est cibus spiritualis, ergo. Contra: potest quid vivere sine cibo corporali, ergo, nec sine cibo spirituali. Ergo & in parvulis requiritur sumptio Eucharistie, cùm iis necessarius sit cibus corporalis. Respondet itaque, argumentum ad summum probare aliquem cibum spiritualem requiri, cùm rituali, autem, sicut ubi sunt diversi cibi corporali, non requiritur determinatus cibus ad vitam sustentandam, ita nec ubi sunt plures cibi spirituales, unde cùm sint alii spirituales cibi prater Eucharistia, nempe exercitatio amoris Dei, & omnium virtutum, non est cur Eucharistia, licet utilissima conseruat ad vitam spiritualem conservandam necessaria. Deinde hoc argumentum probaret frequentem Eucharistie sumptionem esse ad salutem necessariam, cùm ita se res habeat in cibo corporali.

Dices secundò: in Scripturā sapè insinuari videtur necessitas Eucharistie ad salutem: Joannis sexto dicitur: Nisi manducaveritis carnem filii hominis & biliteris ejus sanguinem, non habebitis vitam in vobis, item: Qui manducat me ipse vivet propter me, & Qui manducat hanc panem vivet in eternum. Respondet in his postremis locis nullam insinuari necessitatem hujus Sacramenti, sed solum promissionem conditionatam vitæ æternæ ei, qui dignè illud receperit; in hujusmodi enim locutionibus involvitur conditio, sicut cùm dicitur eos, qui dant elemosinas, qui persecutionem patiuntur propter iustitiam, &c. pervenituros ad celum; sensu est, si reliqua servaverint, & hæc inter omnia opera bona peculiari modo ad effectum illum conducere, quod etiam facit Eucharistia inter Sacraenta. Quo etiam modo intelligi ab omnibus debent verba illa Matthei ultimo: Qui crediderit & baptizatus fuerit, salvus erit. Addo, loca hæc ab omnibus explicari debere, alioqui quavis sumptio Eucharistie ad celum consequendum sufficeret, quod nemo dicet.

Priora autem verba, Nisi manducaveritis, &c. arguunt, aliquam necessitatem, non tamen semper necessitatem mediæ propriæ dicti, sed tantum locum, quamvis aliquam necessitatem religiosè servaverit, aliena restituerit, &c. non intrabit in regnum celorum, arguitur quidem necessitas horum, non tamen necessitas mediæ, sed præcepti, & hoc sensu loquuntur Patres dum necessariam ad salutem afferunt esse Sacramenti hujus sumptionem: multi tamen ex iis, ut Sanctus Augustinus, Sanctus Cyprianus, & Innocentius solum loquuntur de spirituali mandatione hujus Sacramenti per fidem, quo sensu ait Sanctus Augustinus parvulos hoc Sacramentum manducare, quia per fidem habitu illud credunt. Peculiariter ratione conducere videtur sumptio hujus Sacramenti ad gloriam corporis, ob realem conjunctionem corporum nostrorum cum carne gloriose Christi, quo sensu sumendum est Sanctus Cyrillus, dum necessariam esse ait Sacramenti hujus sumptionem ad gloriam corporis consequendam, nisi quis cum loqui dixerit de necessitate præcepti.

Hoc etiam sensu capiendum est Sanctus Thomas, vel quod solum requirat votum Eucharistie, sicut votum seu propositum omnium aliorum præceptorum; quod enim non velit Sanctus Doctor Eucharistiam esse necessariam necessitate mediæ, exinde primò constat, quod hoc falso in terminis nunquam afferuerit: deinde supra, quæst. sexagesimâ quintâ, articulo quarto corpore, omnipotens docet duo tantum Sacraenta, Baptis- præceptorum.

X.  
Objec: I. si. naare videatur Scriptura, Eucha- ristia sumptua- tionem effo- ria, ad salutem necessariam.

XI.  
Primum ille locum, quamvis aliquam necessitatem arguat, non tamen ne- cessitatem mediæ.

XII.  
S. Thomas votum Eu- charistia non alio mo- de necessa- ritum esse di- cit, quam votum seu propositum omnium aliorum præceptorum.

num absolutè, Penitentiam verò iis qui post Baptismum sunt lapsi, esse ad salutem simpliciter necessariam; ordinem vero toti Ecclesiarum, reliqua autem solum ait esse necessaria secundum quid.

XIII.  
Diverso modo intellegenda sunt verba Christi de Baptismo. & de Eucharistia.

XIV.  
Votum in

Nec obstat affinitas verborum illorum Joannis tertio, versu quinto: *Nisi quis renatus fuerit ex aquâ & Spiritu Sancto, non potest introire in regnum Dei;* hæc enim verba, ut constat, latius patent, & sic comprehendere etiam possunt parvulos; illa vero, *Nisi manducaveritis, &c.* solum erant prolatæ ad adulitos, siquæ important præceptum, cujus capaces non sunt parvuli.

Solum noto ad confusione vitandam, quæ in hac questione esse solet maxima, votum variis

modis sumi, primò latissimè, pro desiderio cuiuscumque rei, etiam non necessariæ, quo sensu loquitur Tridentinum sessione decimâ tertiatâ, <sup>hac materia tribus modis sumitur.</sup> pite octavo de iis qui per fidem & votum hujus Sacramenti spiritualiter communicant. Secundò strictius, pro desiderio & proposito saltem implicito rei alicuius obligantis, qualia sunt precepta. Tertiò strictissimè, pro eo quod substituitur tanquam vicarium alterius ad effectum aliquem conferendum, quem licet conferat, adhuc relinquit obligationem rem cujus hoc est vicarium, suscipiendo, quomodo se habet contratio in adultis respectu Baptismi, & Penitentie: & hoc solum sensu negamus Eucharistie votum esse ad salutem necessarium.

## DISPUTATIO SEPTUAGESIMA TERTIA.

### *De Materiâ remota hujus Sacramenti.*

**E**GIMVS in superioribus de materiâ permanente, & intrinsecè constitutive hoc Sacramentum, Corpore scilicet & Sanguine Christi, & aliis, ex quibus tanquam ex partibus constat, nunc itaque de materiâ illius transeunte tractandum, illâ nimirum, quæ in consecratione, seu primâ Eucharistia constitutione destruitur, circa quam plurimæ & scitu dignissima, ut hac Disputatione constabit, à Theologis proponi ac discuti questiones solent.

#### SECTIO PRIMA.

##### *Quenam sit Materiâ remota Sacramenti Eucharistie.*

I.  
Fides Gnosticorum  
haciens er-  
rare S. The-  
mas pra mo-  
destia noluit  
referre.

T omittam fædos Gnosticorum hac in parte errores, quibus affine est turpe Manichæorum commentum, quos errores inquit Suarez hic, disp. quadragesimâ tertiatâ, *dæstia noluit* sectione primâ Sanctus Thomas recentere propter modestiam noluit. Tres alias hac de re errores refert Sanctus Doctor hic, quæst. septuagesimâ quartâ, articulo primo. Primus error illorum est, qui in pane & cæso hoc Sacramentum conficiebant, quos etiam refert Sanctus Epiphanius hæresi quadragesimâ nonâ, & Sanctus Augustinus libro de hæresibus, capite vigesimo octavo, indecè dicti sunt *Artotyrites*, secundò *Catapryges* sanguinem ex toto infantis alicuius corpore minutis punctionibus immaniter elicabant, cumque farinæ miscentes panem inde conficiebant, quem postea ad Eucharistie consecrationem impie usurpabant,

Tertius error à Sancto Thomare relatius erat circa materiam sanguinis; quidam siquidem sobrietatis pretextu aquâ loco vini, in huic Sacramenti confectione utebantur, inde dicti *Aquarii*. <sup>Aquâ nunc nulli loci</sup> Huic errorem prater alios quos refert Sanctus Isidorus, Sanctus Cyprianus, Sanctus Clemens Alexandrinus, & alii, amplecti necessariò debebant Manichæi, qui, ut testatur Sanctus Augustinus libro vigesimo contra Faustum, capite decimo tertio, & Sanctus Leo Papa sermone quarto quadragesimâ, vinum abominabantur. Alii vero vel lac solum, vel lac melle mixtum pro vino consecrabant.

Alii denique, *Ophite* dicti, serpentem, utrefert Sanctus Augustinus citatus capite decimo <sup>Aquâ nunc nulli loci</sup> Ophitum septimo, & Tertullianus de præscriptionibus circa Eu-hæreticorum capite septuagesimo quarto, juxta *charistia* altare alebant, qui per Sacerdotis incantationem <sup>conficitur</sup> statim temporibus egestius panem lambebat, ex <sup>nem, euifg</sup> materiali quo conficiebant Eucharistiam. Sed hæc mera abusus sunt somnia, & contemnda potius, quamimpugnanda. Quare ut ad rem accedam.

Materia hujus Sacramenti remota est panis & <sup>Materia re</sup> vinum: ita Sanctus Thomas quæst. septuagesimâ <sup>quartâ, art. primo, & Theologi omnes, etiisque mota hujus</sup> expreßè